

序

曩為諸生時由西粵舟過祁陽祁當湘之衝水湍而激直東不里許忽石厓壁立束水而北折因念山川鬱秀必有所鍾券其中將天有人焉未幾而陳冢宰可齋伍明府慕亭陳明府眉湖暨兩冢昆季俱以文章政事雄南楚今年春色侯七松李公廷敏館文昌書院院左浮圖切漢蓋即曩所睹石厓之端而冢宰諸公建於敏過祁廿年後者也嘗以時沂浯溪周覽諸勝槩昔人謂湘南山川之秀為天下甲而祁之秀實

祁陽縣志卷之一

序

五

為湘南中已而日接祁人士益稔其風土之厚風俗之醇蓋又甲於湘南者時侯有修志之舉屬敏共襄厥局而延致局中者為慕亭眉湖兩州府蓋敏過祁時俱尚為諸生者舊交首聚相顧著虎章精神都不減少壯兩明府信此邦文獻之攸寄而敏兀兀故紙亦時攄其千慮之得侯以錢唐名宿才贍而心沖大都提綱挈要援昔印今一出侯手裁而同局交互考訂皆各捐成心同門伍太守更齋亦時就近商酌昔人論作志之弊曰漏曰濫曰誣是書也較者羅之疑

者關之課愆者汰之弊庶免乎敏惟天下郡邑志累千百矣學士文人率覽不欲竟一卷而論志者動稱康李敏謂武功信陽世亦驚其文耳志固不惟其文惟其實也侯精心吏事軫念民依就敏所見運粟賑饑興舉諸廢墜皆卓乎可

祁陽縣志卷之一

序

六

尤敏等所心欽者也侯屬為序用不撫陳言而質言之乾隆乙酉中秋後九日岫屢曠敏本識



序

資治者史也資吏治者
邑志也史表於冊府而
邑志實其權輿則治邑
者掌歲宜重也詩一介
傷陋遭際

和陽縣志

卷之一

七

盛明溯自計借入都黍序及

學久依

內色側聞堯階舜階颺之

之盛用稍長益其見

聞叨蒙

聖恩竊符善地沐惟吏治之

未諳夙夜兢思所以

治祁者而未得其要

領也履祁之日詢邑志

則典缺殆將百年亦有

舊編又大都成於粹

者重之日久亦為漏也

和陽縣志

卷之一

序

滋多時有以纂輯為之

者不修慙疎涉不文曷

敢輕議抑簿檄旁于未

遑也既而訪求名勝登

眺酒任喟然曰名賢過

化地也元類清惠之澤

深入人心非官斯者典型
 乎矧其高風亮節尤足
 庶頑立懦大有功於風
 化者耶于時襄伯漢上
 尋元之遺蹟若亭石
 臺若夢若宅蓋蓋瘞

久矣使其地而僅修遊
 覽瘞而不脩可也將於
 此而塵仰止也願任前
 賢之蹟就湮乎欣也

聖治重熙人武樂業三吾舊
 觀次第脩舉願志乘

則仍缺如也集邑紳士
 而謀之謀念同適延响
 嗚曠太史主講席遂并
 付以編輯事復聘位明
 府慕亭陳明府眉湖
 披訪釐訂薛簿書之暇

互相商榷注復盾疑至
 再至三章若虛衷集蓋
 素心討究疑者從闕濫
 者從芟善十閱月而書
 成是書也教曰吏治具
 是乎抑所以治祁者哉

可於是以取資也昔真西山作衍義諄於田里戚休之實時嘗履陌循阡澗錄所及有切於祁武隱者僅識之略采入是書中祁境之戚休或可得其概焉若夫備冊府之采而資焉鴈之獻又其法焉者已

乾隆三十年歲次己酉
小春月武林李詩書
於永昌官署



原序

序亦何為而作哉古今騷人墨士弁首詩文其濫觴者勿論已若志之為書今天下京省郡百四十三州二百十九縣一千一百餘城必有志也志必有序也且歲久增修序復累加益也因思海內冠志之文凡自序羣序殆不啻充棟而其間削去者尤多即後人纂輯或不忍棄偶留塵作數篇大抵故新諸序多僅與本志共浮沉而已祁曩存邑乘其撰也何時其修也何代後楮版咸火於兵集固化焰燼矣中更不知幾序跋焉今俱杳然莫問可

勝歎歟然而志終不得廢也余戊申秋受事後嗟文獻久失遍求之野時搜殘篇斷簡加訪諸故老遺傳搆將一載爰鐫木為書祁於是乎始復有志若夫序又何為而作哉吾嘗謂序志幾與序試錄者等舊制天下十五國三載咸闢闢取士各錄諸試文進之

朝廷而每卷前後主司必載序者兩計數百年來蓋是篇亦無算矣於今傳不朽者幾何其視諸郡邑志序不益觴之濫耶己酉季夏校訂成因止記其重編始末暨歲年月日而並附余慨然今昔於此

非敢云序也

康熙八年己酉歲孟秋月曲安王 頤撰

祁陽縣志

卷之一

原序

二

原序

維康熙十有一載海內晏安時雍歌觀
皇帝萬幾之暇宣相國衛公周祚於

朝詔誨遠畧相國以天下圖籍文獻為對蓋以
本朝車書一統萬國一家燕韓秦晉齊楚吳越之
區趾相錯也山川疆井形相勝也歲時酬酢之儀
耕鑿絃誦之事俗相尚也庸賦之所入歲相考也
告祥之孚應徵相告也九州殊域九土殊俗人以
地殊俗以人殊攬天下之形勝察天下之物情思
有以移易之頑者廉懦者立有國者之事也國有

祁陽縣志

卷之一

原序

三

史郡邑有志博采廣蒐助成會典於是乎在衛相
國請於

朝

詔曰可方行各省撫軍徵諸方伯方伯徵諸郡郡下
於邑搜輯成志將以上貢

內廷以是知天下郡邑歷代之沿更山川險阻之
形勢租庸物產之委積人物藝文之裔皇於是乎
在蓋鉅典也未幾癸丑冬滇南寇亂明年甲寅春
陷湖南諸郡邑即湖北臣工勤於武備鉛槧勿違
猶以事平為請吁嗟湖南諸志更有不可問者矣

恭遇

王師神武恢復舊疆已未之秋予莅茲土城社邱墟
魚潛鳥散方以招集流亡辦理軍供之不暇而未
遑文獻也乃奉撫憲接准部咨轉行各憲臺疊檄
下縣採訪野史暨諸家文集以及楚疆郡邑通志
捧讀之餘惴惴滋懼第祁邑遭罹寇亂之後諸書
淺廢盡銷烽火卽志書一籍亦在剗剗零星頗多
遺失文獻殘闕此守土之責也於是檢集棗梨復
加攷訂正其訛補其闕五閱月而書告成將以齎
呈各憲臺上獻

祁陽縣志

卷之一

原序

四

內府第思志雖維新仍沿其舊前人既有其序及
安俟予序爲哉但前此之志不過一邑之足徵今
日之書上呈

中秘之備考不有數言以弁其首非所以敬其事
也不揣鄙俚強盥手而直書之以記其補集成書
之始末云爾

康熙十九年歲次庚申孟冬月朔錢塘王需書於
涪溪官署

原序

予嘗於春秋間仰止二名卿焉一曰齊管仲霸者
之佐也一曰鄭子產王者之佐也管仲藉富強之
資內其文而外其武故其功施獨懋子產用小弱
之國紬其武而申其文乃其經營獨巧二公皆古
之所謂博物君子也凡君子之爲政權其緩急審
其源委以期有益於人國則莫不以文而已矣記
曰文王以文治武王以武功因其時爾曩者三湘
之間索賦興戎吏無攜琴地無絃聲邇來旣少間
矣然三湘以永陽爲輿區列縣以祁陽爲孔道舟

祁陽縣志

卷之一

原序

五

車之追呼徵輓之期會上大夫持考功法以臨之
吏奉法救過不給謁履而勝任焉斯云幸矣乃若
及萬王公之爲令則大有異焉下車而問風俗振
鐸而申六論寬其徭役弛其鞭朴誘進其秀良而
語之文章凡所亟亟夫務爲之者皆俗吏之所不
能爲與才吏之所不屑爲者然而甫朞年而邑以
大治則又亟取縣志審定而更新之予因以歎其
仁之似子產也子產之爲鄭其大者在存鄉校鑄
刑書今公一舉而二善皆得焉夫志者志也吾志
之所存吾國人之志胥存焉斯吾先吾後之志罔

不存焉桑田未滄也則繫之曰此先王之所經界也先民之所稼穡也即務本奉公之志油然而生矣山川無恙也則繫之曰此先賢之所過化也先正之所起家也即追蹤尚法之志油然而生矣官師亦傳合也則繫之曰此社稷之所尸祝也此江流之所借逝也即敬身祇績之志油然而生矣以視比戶而讀法月吉而上庠不猶宏且遠哉

國家鼎興於今已三十年敦勵文治與天下更始近特虛臺諫以登循良誠需學古深思之君子而用之以公丕應盛時黼黻宸猷匪子產之踟躕經營

祁陽縣志

卷之一

原序

六

者可同日語矣傳曰不有君子其何能國予請賡之曰既見君子我心則愉

閩晉水黃中琰增岸甫頓首敬題

原序

周禮外史掌書外令掌四方之志小史掌邦國之志知凡區域風俗物產貢賦咸載簡編上以成天家一統之紀下以備郡省封守之籍屬在民牧自宜採拾遺牒補集繼起庶幾具通邑全帙為一代掌故也永郡湖湘重地祁邑尤號衝繁遠鄰百越五嶺近接衡嶽瀟江自令斯土以來職守凜凜惟謹

王事勤勞憲令遵奉蹇蹇匪躬思加訂而未逮頃以人文日益懋政務日漸理當續登梨棗傳諸久遠

祁陽縣志

卷之一

原序

七

爰與師儒暨邑人士謀補纂祁為巖洞白礫叢集之壤紛紅駭綠衝濤旋瀨山經語近荒惟司馬氏畧勿言斯亦無須孱入弟有關世教者不容缺惟是曩志所載經前哲搜求仍加重增核實選錄俾閱者展卷朗如閱輿地穆然見星野之昭回而嶽峙淵澄閱建置恍然見城郭廩倉廟社壇壝之巍煥而聳觀閱職官選舉欣然見天工人代彈冠奮起芄芄薪樞壽考作人之風閱學校祀典雍然見東膠虞岸金鏞石鼓春秋蘋藻各敦秩敘之雅化閱賦役惕然想任土作貢底慎則壤之成規閱人

物儼然睹宦蹟名賢清風高節砥行礪俗之遠模
閱藝文石鈔藹然思出風入雅珠玉揮毫望古春
陵慨念平原之高致官斯地奉斯職成斯編計自
庚申垂五十餘載一切修者裁者因者革者增出
繼興者鵠起聯翩者原原本本蔚蔚森森悉以列
之圖籍士若民當知無美不收有善必登生逢
盛世咏歌太平光天化日樂

聖壽於萬年衢巷含鼓窮簷沾濡由此言之志亦不
謂無補茲集捐其踏駁輯其缺畧助成信牒彷彿
乎外史小史之遺聊綴引言以具掌故云爾

祁陽縣志

卷之一

原序

八

雍正十有三年歲在乙卯孟春月吉日文林郎知
祁陽縣事睢陽王式淳謹撰

祁陽縣志凡例 十六條

一志必有例非沿襲也發凡緣起挈領提要一展
卷而全篇旨歸較若列眉吏治模範也濫觴云
乎哉不可勦者無庸從同不可易者毋容標異

上關

國政下繫民風要惟因革之兢兢不必異同之屑
屑

一昔有志而今修之因其舊也顧他志宜因而祁
志幾宜初祁非無志也鄧氏本既不可得而原
編續編大都成於倥傯之餘義法不必核敘次

祁陽縣志

卷之一

凡例

不必賈重以舊版殘缺亥豕承譌抑且役曠百
年增補亦非容易今謹博訪廣搜分條臚目盖
已大非其舊非敢菲薄前人也詆謗謝新祇形
其陋而事關典故章程應無取乎遷就敢云善
本庶成完編

一志有昔無而今有者提封萬井扼楚粵之咽喉
保境安民特嚴封守祁雖地非用武而未雨綢
繆端資武備故兵防宜輯也惟是自明迄今祁
城營制兵額郡邑舊志既無可稽疊經移營查
詢多因卷案無考未免缺遺謹就采訪所及見

聞最悉者勒爲一卷續而成之是在後之君子
志有昔畧而今詳者傳曰物土之宜而有其利
疆理天下物產其最重也自來志乘或但臆其
名間有註釋寥寥數語而援据尤不必確茲編
博采羣書詳紀其土地燥濕之宜種植之法寒
溫之性條分縷析幾二萬言蓋皆省郡邑志所
未及者非誇多也小民資五穀以生亦賴百物
以養故不厭繁稱云

一事必師古考昔所以證今監前乃以善後志中
每條必溯其所自始今茲有所依據將來藉以

祁陽縣志

卷之一

凡例

二

折衷自虞符蒼梧迄於

聖代依次敘列無潤無誣

一 史主作而志主述述史鑑述一統志述省志述
郡邑舊志而參之諸家記載如三吾之勝則取
資近代名家浯溪考諸書

一 志不另列古蹟卽具山川各條中蹟緣地著山
川卽蹟也蹟莫佳於浯溪勝異畢登毋庸複演
一 志中譌漏或不免而徇枉則絕無稽之典籍覈
之文卷訪之耆碩校之以蒞任後之見聞蓋
其慎也

一 浯溪爲水山勝區應得入山川志茲特編焉敘
述亦特詳凡以元顏政事文學允堪式型後學
而自唐以來名賢過化詞客留題搜羅既博卷
帙亦多非尋紀難免望漏蒞任後於此地亭
臺不惜鳩備蓋地以人重匪用以侈點綴實藉
以深景仰也

一 書云肅尚體要而志尤嚴體裁謹叅酌先輩名
家志例爲目二十有四文不必相屬而緒取相
承但務整齊不事粉飾

一 美不可掩秩官之入名宦有傳者無論已舊志

祁陽縣志

卷之一

凡例

三

秩官間有書政蹟數言者應仍其舊亦有遺澤
在人傳聞確鑿者或間附數語從民好也亦以
勵官方其他則皆但書履歷籍貫不置一詞
一 列傳以傳其人也舊志傳中或語涉瑣屑幾令
讀者因其文而並疑其人但世遠無從採訪而
聞善自不容疑今惟裁繁就簡汰襍歸醇祇期
闡發幽潛永人思慕庶不貽九原之恫

一 人物志分忠節政蹟行誼儒林諸條舊志已入
者槩不刪續入者無濫亦無漏若夫名留身後
事了蓋棺現任賢員現在碩彥例不登載匪虞

晚節亦以遠嫌

一節婦未奉

旌表例不當載然亦有苦節堪範鄉閭而力乏者詎忍竟歸湮沒但使卅年期滿覈實錄之以勵風化

一邑志者一統志之權輿雍正八年欽奉

諭旨編纂茲志中稱謂謹做省志例凡封疆大吏皆稱名尊

朝廷也篇末敘論則有推尊

一藝文志始於漢書所以紀載書籍近乃以詩文

祁陽縣志

卷之一

凡例

四

克之然亦必其有關地方利病山川名勝者舊志載譜敘誌銘均乖志體例不泛入

祁陽縣志修輯姓氏

主修

勅授文林郎知祁陽縣事加二級紀錄十四次李 蔣庚午教習

纂修 賜進士出身翰林院庶吉士加一級曠敏本丙辰

分修

原任直隸順天府寶坻縣知縣伍澤榮丁未進士

原任廣東羅定州西寧縣知縣陳世龍戊午舉人

參閱

祁陽縣教諭向 離乙卯舉人

祁陽縣志

卷之一

姓氏

一

祁陽縣訓導 申長英原貢

祁陽縣訓導 劉大文原貢

校刊

祁陽縣典史 王松喬

祁陽縣巡檢 王廷桂

署祁陽縣永隆司巡檢 陳心智

捐梓

賜進士出身原署江南分巡淮揚海道淮安府知府伍澤梁丙辰進士

四川順慶府渠縣知縣鄧獻璋癸酉舉人

原任直隸順天府順義縣知縣李學虞附貢

署山東武定府惠民縣縣丞李澍澍貢

貢生

唐瓊 張友元 李熹 徐敏

監生

李蕪 何正濂 何正清 何正浩

徐濟美 文生紳 訖尙年

庠生

劉淑 劉濱 劉潛 廖士龍

廖才超 申士端

騰錄書吏 李本棟

祁陽縣志

卷之一

姓氏

二

劉永盛

何攀雲

朱士玉

王凌雲

陳上魁

祁陽縣志目錄

卷之一

輿圖

星野

沿革

山川

卷之二

疆域

學校

卷之三

祁陽縣志

卷之一

目錄

一

官署

祀典

賦役

積貯

卷之四

物產

風俗

禮儀

秩官

名宦

寓賢

兵防

卷之五

選舉

人物

卷之六

列女

寺觀

浯溪

卷之七

祁陽縣志

藝文上

卷之八

藝文下

雜撰

卷之一

目錄

二

繪圖

祁陽縣志

卷之一 繪圖

一

祁陽縣境全圖

衡州府清泉縣界

衡州府常寧縣界





祁陽縣志 卷之一 縣境全圖

西 一 縣境全圖

二

古者公侯之地百里祁表延且二百里若昔祁
 滕截補裁得五十里其於祁尙未及三之一也
 祁之境在漢爲零陵郡境後又爲零陵之泉陵
 縣境祁之得名見於羅含湘中記縣之名祁陽
 則昉自蜀漢吳也南界永之零陵寧遠北界衡
 郡之衡陽寶郡之邵陽東界衡郡之清泉西界
 永之東安而排山爲祁之門戶熊嶺則祁之咽
 吭首列縣圖而地之衝僻事之繁簡山川之險
 易土脈之肥磽與夫民情之馴梗民俗之淳澆

皆可得其槩也官之有境如農之有畔農惟終
 畝而無越畔官畫疆而理而四境之內必使無
 不治焉審箕畢之異好相物土之攸宜凡夫原
 隰泉流之關乎農事者瞻眺之餘有經畫焉匪
 以供攬勝而尋幽也若乃南望九疑緬虞后解
 慍阜財之休此又圖所不必具而可於圖中想
 見之者已

祁陽縣志 卷之一 縣境全圖說

三





祁陽縣志

卷之一 縣城圖

四

縣城圖說


域中城工罕有如祁陽之堅厚者凡城累土砌
 甃祁則內外皆甃以巨石周遭一千六百丈有
 奇高一丈六尺有奇明初祁尚未有城景泰間
 勅土墉成化中乃包以石至萬歷而城工始完
 備
 國朝增修嚴密屹然雄峙百餘年如故也古者建都
 必相形勝幽之遷也觀京楚邱之營也景京取
 其峻也祁城據高岡獨豎不拔之基瀟水南來
 湘江北會羣山拱抱於四旁湘南保障之崇煥


者也為門七日朝京曰長樂曰黃道曰迎秀曰
 瀟湘曰迎恩曰甘泉因形家言塞瀟湘門城以
 內學校之宮官司之署皇華之館城以外先農
 社稷風雲雷雨之壇迤東三里所石巖迴抱浮
 圖七級聳其顛隆隆轟轟勢摩霄漢皆為祁城
 助厥勝者也抑境以域民而城以衛之擊柝嚴
 焉教令信焉都鄙壯焉疆圉寧而民氣樂又不
 徒險之設矣

祁陽縣志

卷之一 縣城圖說

五





祁陽縣志

卷之一 縣署圖

六


縣之有署上下以辨民志以定南面而臨者將以求民之莫其可遠廬視之乎重門洞開而堂下百里爰知小人之依令推心以及民而民皆見令之心官民一體之義也有時閉閣而思已過六事之本三字之箴尤廩廩焉緬惟古者小人不取履君子之庭則斯署也訟庭草生桁楊塵封而園土且爲一空此令所日企而不可必得者也中爲大堂堂前爲申明亭爲二門爲大門堂後爲川堂爲紹衣堂又後爲上房堂左爲

棚廩爲驛站堂右爲典史署堂前左爲土地祠堂前右爲監獄堂後左爲箭廳爲馬王廟堂後右爲百千書屋此下吏新建者勾稽之餘用資考訂兼藉以訓課也前爲修竹軒爲民鑑小齋蓋皆署中靜處署枕縣之高阜憑軒眺望江波澄泓浩淼無際煙火萬家畢收之襟帶間當年之正其方位者良有以也


祁陽縣志

卷之一 縣署圖說

七



學宮圖



祁陽縣志 卷之一 學宮圖

八

學宮圖說


楚南邑校多基於宋祁學亦肇自宋崇四術以
 蒸髦士千年於茲矣祁士之學於此者不必別
 求所以學也司馬遷讀孔氏書想見其為人適
 魯觀廟堂禮器卽低徊不能去今之學宮猶魯
 廟堂也今試按圖而入廟仰瞻聖位當年溫良
 恭儉之容可想象其一二也顏曾思孟日讀其
 書而可不知其人乎朱子宋一儒者也而躋於
 十哲之班不深人忻慕耶兩廡先賢之親炙者
 尙已自漢迄我


朝諸名賢名儒之得從祀廟庭者其淵源安在也登
 明倫之堂君臣父子仰聖教之尊宜佩服無敦
 也名宦則官斯者鄉賢則生斯者其立身之本
 未非皆吾鑑乎今之泮池魯之泮水也泮水之
 什口濟濟多士克廣德心德心善意也我詎不
 克廣乎若乃拜濂溪之祠月霽風光近在桑梓
 此尤祁士所當晨夕瓣香者與

祁陽縣志 卷之一 學宮圖說

九

文昌書院圖





祁陽縣志

卷之一 文昌書院圖

十

文昌書院圖說

學宮之外有書院以造士也縣東三里江岸石巖拔起邑進士鄧球募建塔其上并構書院於塔側其後塔毀而院宇亦頽邇乃俱復舊觀加崇焉竊風水之說疑近於幻渺而點綴風光亦關形勝巋然七級矗立雲表與浯溪瀟湘亭臺鼎峙爭奇極結構之自然亦包絡之盡善夫山川之缺不必不待補於人而靈秀必有所鍾此邦之毓瑞將於斯卜之焉洎祁之日堅意造就增設膏火聘延主講朔望兩課設之盤餐顧祁

夙號人文藪前此名流碩彥掇巍科膺臚仕亦云盛矣而邇來文士漸不競涖任四年罕見有卓卓者豈主席者難其人嚮學者不必篤乎昔文翁興學而蜀中化洽常袞興學而閩中化洽今其異於古所云乎下吏不敢望前賢而祁士獨無意於斯耶展斯圖也蓋不勝拳拳焉

祁陽縣志

卷之一 文昌書院圖說

十一

常平倉圖

